

БАТЛАВ:
ЗАМ, ТЭЭВРИЙН ХӨГЖЛИЙН
ЯАМНЫ ТӨРИЙН НАРИЙН
БИЧГИЙН ДАРГА

С.БАТБОЛД

БАТЛАВ:
“И-ТЕХ” ХХК-НЫ
ГҮЙЦЭТГЭХ ЗАХИРАЛ

С.НАЦАГДОРЖ

**ОЛОН УЛС, УЛСЫН ЧАНАРТАЙ АВТО ЗАМ, ТҮҮНИЙ ДАГУУХ СУУРИН
ГАЗАР, ДЭД БҮТЭЦ, АЯЛАЛ ЖУУЛЧЛАЛЫН БҮС НУТАГ, ТҮҮХЭН ДУРСГАЛТ
ГАЗРУУДЫН МЭДЭЭЛЛИЙГ “GOOGLE MAP” СИСТЕМД БАЙРШУУЛАХ
АЖИЛ ГҮЙЦЭТГЭХ ГЭРЭЭ**

2024 оны 04 -р сарын 11 -ний өдөр

Дугаар 115

Улаанбаатар хот

НЭГ. НИЙТЛЭГ ҮНДЭСЛЭЛ

1.1. Энэхүү гэрээг нэг талаас **Зам, тээврийн хөгжлийн яам** /Регистрийн дугаар: 5919487/ түүнийг төлөөлж МТХ-ийн дарга Д.Гэрэлням / “Цаашид Захиалагч” гэх/, нөгөө талаас **“И-Тех” ХХК-ний менежер ажилтай Ш.Эрдэнэпүрэв** /цаашид “гүйцэтгэгч” гэх/, хамтад нь “талууд” гэх/ нар Монгол Улсын Иргэний хуулийн 343 дугаар зүйл болон бусад хууль тогтоомжийг удирдлага болгон дараах нөхцөлөөр харилцан тохиролцож энэхүү гэрээг байгуулав.

1.2. Энэхүү гэрээний зорилго нь гүйцэтгэгч нь захиалагчийн баталсан ажлын даалгаврын дагуу зам, тээврийн салбарын бүтээн байгуулалт, олон улс, улсын чанартай авто зам, түүний дагуух байгалийн үзэсгэлэнт болон түүхэн дурсгалт газар, нисэх буудлын байршил зүйн мэдээлэл, стандартын дагуу авсан зураг, мэдээллийг “Google map” системд байршуулж олон улс, улсын чанартай хатуу хучилттай авто замаар зорчигчдыг мэдээллээр хангахад оршино.

ХОЁР. ГЭРЭЭНИЙ ХУГАЦАА, ТӨЛБӨР ТООЦОО ХИЙХ

2.1 Гэрээний ерөнхий хугацаа 2024 оны 04 сарын 10-ны өдрөөс 2024 оны 10 сарын 01 -ний өдөр хүртэл хугацаатай байна. Үүнд холбогдох байгууллагын Google хаягаас Google-д бүртгүүлж батаалгаажсан эсэхийг нягталж панорама зургаа оруулах боломж бүрдэнэ.

2.2 Гэрээгээр гүйцэтгэх ажлын нийт үнэ 19,800,000 төгрөг /арван есөн сая найман зуун мянган/ бөгөөд гүйцэтгэгчээс ирүүлсэн нэхэмжлэхийн дагуу Захиалагч холбогдох дансанд шилжүүлнэ.


ГУРАВ. ГҮЙЦЭТГЭГЧИЙН ЭРХ, ҮҮРЭГ

3.1 Гүйцэтгэгч нь ажлыг гэрээ хийснээс хойш дөрвөн долоо хоногийн дотор цаг агаарын нөхцөлийг үндэслэн гүйцэтгэнэ.

3.2 Гэрээгээр хүлээсэн ажил, үүргийг мэргэжлийн өндөр түвшинд хийж гүйцэтгэн гэрээнд заасан хугацаанд нь Захиалагчид хүлээлгэн өгөх үүрэгтэй.

3.3 Гүйцэтгэсэн ажлын үр дүнг Захиалагчид хүлээлгэн өгөхөөс өмнө ажлын үр дүнд учирч болох эрсдэлийг дангаар хариуцах үүрэгтэй.

3.4 Гэрээт ажлын чанар болон гүйцэтгэлийн талаар захиалагч талаас тавьсан шаардлагыг биелүүлэх бөгөөд гэрээт ажлыг аливаа алдаа доголдолтой гүйцэтгэсэн тохиолдолд алдаа доголдлыг өөрийн зардлаар тухай бүрт нь арилган дахин гүйцэтгэнэ.



3.5 Гүйцэтгэсэн ажлын төлбөрийг тухай бүрт нь захиалагч талаас нэхэмжлэх эрхтэй.

3.6 Гүйцэтгэгч тал нь захиалагч талаас гэрээгээр хүлээсэн үүргээ биелүүлэхийг шаардах, үйлчилгээний төлбөрийг энэхүү гэрээгээр заасан хугацаанд нэхэмжлэх эрхтэй.

3.7 Гүйцэтгэгч нь Захиалагч байгууллагын хэрэгцээнд 360 панорама зургуудаа файлаар нь өгнө.

3.8 Гүйцэтгэгч нь орон нутаг, төв суурин газарт системийн админыг захиалагч талтай хамтран томилуулж холбогдох сургалтыг зохион байгуулна.

ДӨРӨВ. ЗАХИАЛАГЧИЙН ЭРХ, ҮҮРЭГ

4.1 Ажил гүйцэтгэх тохиромжтой хугацааг гүйцэтгэгч талд ажлын 1-2 өдрийн өмнө мэдэгдэнэ.

4.2 Гэрээний дагуух ажил гүйцэтгэсэний төлбөрийг заагдсан хугацаанд төлж барагдуулах үүрэгтэй.

4.3 Захиалагч тал нь гүйцэтгэгч талаас гэрээгээр хүлээсэн үүргээ гүйцэтгэхийг шаардах, ажлын явцтай танилцах, шаардлагатай мэдээллийг авах эрхтэй.

4.4 Ажил гүйцэтгэгч нь гэрээгээр хүлээсэн ажил, үүргээ зөрчиж ноцтой алдаа, дутагдал гаргасан болон хугацаа алдсан тохиолдолд Захиалагч нь энэхүү гэрээг нэг талын санаачлагаар цуцлах ба өөрт учирсан хохирлоо нөхөн төлүүлэх эрхтэй.

4.5 Гүйцэтгэсэн ажлын үр дүн доголдолтой бол ажил гүйцэтгэгчийн зардалаар уг доголдлыг арилгуулах, эсхүл ажлыг шинээр гүйцэтгүүлэхээр шаардах эрхтэй.

ТАВ. ТАЛУУДЫН ХҮЛЭЭХ ХАРИУЦЛАГА

5.1 Гүйцэтгэгч тал “ажил”-ыг чанарын шаардлага хангасан, өндөр түвшинд хийж гүйцэтгэж акт үйлдэн хүлээлгэж өгнө.

5.2 Захиалагч тал гүйцэтгэсэн “ажил” мэдээ, мэдээллийн өөрчлөлт оруулах шаардлага гарвал гүйцэтгэгч талд мэдэгдэж өөрчлөлтийг хийлгүүлнэ. /Уг байгууллагын хаяг, холбогдох мэдээллийн өөрчлөлт/

5.3 Ажил гүйцэтгэгдэх явцад гүйцэтгэгчийн гүйцэтгэсэн ажилд ямар нэг доголдол илэрвэл гүйцэтгэгч тал доголдлыг өөрийн зардлаар арилгах үүрэг хүлээнэ.

5.4 Доголдол гэдэгт захиалагч талын мэдээллийг захиалагчийн зөвшөөрөлгүйгээр өөрчлөн байрлуулсан, дутуу байрлуулсан, “ажил” захиалагчийн шаардлагад нийцээгүй, хугацаанд нь нэвтрүүлээгүй эсвэл захиалагчийн бэлдэж өгсөнөөс өөр мэдээ, мэдээлэл байрлуулсан зэргийг хамруулан ойлгоно.

5.5 Гүйцэтгэгч тал энэхүү гэрээний 5.4-т заасан доголдлыг гарилгаж ажлыг дахин гүйцэтгэх үүрэг хүлээнэ.

5.6 Захиалагч нь гэрээнд заасан хугацаанд төлбөрөө төлөөгүй тохиолдолд хугацаа хэтрүүлсэн хоног тутамд төлбөл зохих үнийнд үнгийн 0,2 хувьтай тэнцэх хэмжээний алдангийг гүйцэтгэгч талд төлнө.

5.7 Гүйцэтгэгч гэрээгээр хүлээсэн үүргээ биелүүлээгүй тохиолдолд Захиалагч нь нэг талын санаачлагаар гэрээг цуцлах эрхтэй.

ЗУРГАА. ДАВАГДАШГҮЙ ХҮЧИН ЗҮЙЛС

6.1 Холбогдох хууль тогтоомжинд заасан гэнэтийн давагдашгүй хүчин зүйлсийн улмаас Талуудын аль нэг нь гэрээнд заасан үүргээ биелүүлээгүй буюу зохих ёсоор биелүүлээгүй бол нөгөө талдаа ажлын гурав хоногийн дотор бичгээр мэдэгдэх ба энэ тохиолдолд үүрэг гүйцэтгэх хугацаа нь энэхүү нөхцөл байдал үргэлжлэх хугацаагаар хойшлогдоно.



6.2 Гэнэтийн давагдашгүй хүчин зүйлс бий болсон нь хуанлийн нэг сараас дээш хугацаагаар үргэлжилбэл Талууд асуудлыг харилцан зөвшилцөх замаар шийдвэрлэнэ.

6.3 Гэнэтийн давагдашгүй хүчин зүйл гэдэгт гал түймэр, газар хөдлөлт, салхи шуурга, аянга цахилгаан, үер усны гамшиг зэрэг байгалийн гамшиг, нийтийг хамарсан үймээн, эсэргүүцлийн хөдөлгөөн, төрийн эрх бүхий байгууллагын шийдвэр, хорио, цээр зэрэг талуудын хүсэл зоригоос үл хамаарах шалтгаануудыг ойлгоно.

ДОЛОО. МАРГААН ШИЙДВЭРЛЭХ

7.1 Энэхүү гэрээтэй холбогдон гарч болзошгүй бүх санал зөрөлдөөн, маргааныг Талууд харилцан зөвшилцөх замаар шийдвэрлэнэ. Санал зөрөлдөөн, маргааныг зөвшилцөн өөр шийдвэрлэж чадахгүй тохиолдолд харъяалах шатны шүүхээр шийдвэрлүүлнэ.

НАЙМ. БУСАД ЗҮЙЛ

8.1 Гүйцэтгэгчийн нэхэмжлэл, Захиалгын хуудас, ажил хүлээлцсэн акт зэрэг нь гэрээний хавсралт болох бөгөөд эдгээр нь гэрээний салшгүйх эсэг болно.

8.2 Талууд харилцан тохиролцсоны үндсэн дээр гэрээнд нэмэлт өөрчлөлт оруулах ба нэмэлт өөрчлөлт болон түүнийг мөрдөх хугацааг тохиролцсон тухай баримт, албан бичиг үйлдэж, талуудын эрх бүхий албан тушаалтнууд гарын үсэг зурснаар хүчин төгөлдөр болох бөгөөд уг баримт бичгийг энэхүү гэрээний бүрэлдэхүүн хэсэг гэж үзнэ.


8.3 Энэ гэрээнд заасан хугацааг ажлын хоногоор бодох бөгөөд Талуудын удирдлага, гүйцэтгэх захирал, үүсгэн байгуулагчид, өмчлөгчид нь өөрчлөгдсөнөөс үл хамааран энэхүү гэрээ нь үйлчлэх хугацааны туршдаа хүчин төгөлдөр байна.

8.4 Энэхүү гэрээг монгол хэл дээр 2 хувь үйлдэж, тал тус бүр нэг хувийг хадгалах бөгөөд хувь тус бүр хууль зүйн адил хүчинтэй байна.

8.5 Талууд гэрээнд гарын үсэг зурж баталгаажуулсан өдрөөс энэхүү гэрээ хүчин төгөлдөр мөрдөгдөнө.

ЕС. ГЭРЭЭ БАЙГУУЛСАН

Захиалагчийг төлөөлж:
ЗАМ ТЭЭВРИЙН ХӨГЖЛИЙН ЯАМ-ЫГ
ТӨЛӨӨЛЖ:

Бодлого, төлөвлөлтийн газрын
Мэдээллийн технологийн хэлтсийн дарга
 Д.ГЭРЭЛНЯМ

Санхүү хөрөнгө оруулалтын хэлтсийн
дарга

 Н.ЦЭВЭЛМАА

Төрийн захиргааны удирдлагын газрын
Хуулийн хэлтсийн шинжээч

 Д.ОЮУНСҮРЭН
Мэдээллийн технологийн хэлтсийн
мэргэжилтэн

 Б.ГҮНХИЧЭЭНГҮЙ

Гүйцэтгэгчийг төлөөлж:

И-Тех ХХК-ны менежер 2


Ш.Эрдэнэпүрэв

Албан ёсны хаяг:

Итех ХХК

Гар утас:91143601

И-мэйл хаяг:

eerepure@gmail.com

Компанийн улсын бүртгэлийн дугаар:
9011276141

Регистрийн дугаар: 2780186

